



BASES DO VIII CONCURSO DE DISFRACES E COMPARSAS 2019

PRIMEIRA

A Concellería de Cultura, Deportes e Educación do Concello de Begonte, organiza o VIII Concurso de disfraces e comparsas 2019, co obxectivo de consolidar o Entroido como unha festa de tradición popular, potenciando a participación da cidadanía tanto do núcleo urbano como do rural dunha forma activa e divertida, que terá lugar o vindeiro **sábado, 9 de marzo de 2019** no Pavillón Municipal de Baamonde.

SEGUNDA. - Participantes

Poderán presentarse ó concurso tódalas persoas, agrupacións ou asociacións que o desexen, que previamente efectuarán a súa inscrición ata o mércores, 06 de marzo de 2019 ás 14.00h.

TERCEIRA.- Modalidades

As modalidades para inscribirse no concurso atendendo ó número de participantes son :

INDIVIDUAL. - Inclúense nesta modalidade, os disfraces formados por 1 ou 2 participantes.

COMPARSAS. -Estarán encadradas nesta modalidade os grupos formados por 5 ou máis participantes, gardando coherencia e uniformidade os disfraces entre si.

No desfile só se poderá participar nunha modalidade co mesmo disface, no caso de incumprimento quedará descualificado.

Daranse por nulos, os concursantes que repitan disfraces de anos anteriores.

CUARTA.- Inscricións

As bases e o formulario para realizar a inscrición está dispoñible na web: <http://www.concellodebegonte.es/gl> e tamén está dispoñible nas oficinas do Concello de Begonte.



O prazo improrrogable de inscricións rematará o mércores, 06 de marzo de 2019 ás 14.00h.

As solicitudes de inscrición poderán presentarse no Rexistro Xeral do Concello de Begonte ou a través da sede electrónica, procedemento “*Educación, Cultura e Deportes*”, “*Procesamento electrónico*”, adxuntando neste último caso o Anexo I “Inscrición Concurso de Disfraces e Comparsas” e o arquivo de música. (<https://begonte.sedelectronica.es/info.0>)

As comparsas que desexen que a organización lles poña a música durante o desfile deberán enviar o arquivo da música en mp3 (máximo 3 minutos) coa inscrición ou remítala antes do 06 de marzo ás 14.00h ao seguinte correo: inscripciones@concellodebegonte.es

Tódalas modalidades deberán nomear a un representante legal maior de idade, para realizar tódolos trámites. No caso dos participantes menores de idade o representante legal será responsable en todo momento do menor durante o concurso.

A orde de desfile e inscritos por modalidade farase pública na web do Concello o venres 08 de marzo de 2019.

QUINTA.- Mecánica do concurso

O concurso terá lugar o sábado, 09 de marzo de 2019 ás 17.00h no Pavillón Municipal de Baamonde.

Os participantes no desfile teñen entre as 15.30 - 16.40h para entrar no interior do Pavillón de Baamonde e recoller un distintivo cun número e prepararse para ó desfile. Este distinto, identificará a cada participante ou grupo, ademais de indicar a orde para desfilar. Será obrigatorio levalo nun lugar visible durante todo o desfile.

Ás 17.00h comezará o desfile seguindo a orde de rexistro de inscrición por modalidade:

1º: MODALIDADE INDIVIDUAL , realizarán o percorrido que lle indique a organización e a música que utilizarán será a proporcionada pola organización, en ningún caso poderá levar música propia.

2º: MODALIDADE COMPARSAS, para esta modalidade, o tempo de actuación no poderá exceder de **3 minutos**.

Ás 16.50h o xurado fará unha primeira revisión para coñecer a tódolos participantes. Non estar situado no posto asignado no momento da saída poderá ser motivo para a descualificación do concurso.



Non está permitido empregar no interior do Pavillón ningún tipo de artiluxio pirotécnico (bengalas, nitróxeno, petardos,.....), así como obxectos cortantes ou líquidos.

A organización resérvase o dereito da entrada ó Pavillón para aquelas carrozas cuxo desprazamento no interior deste poida ocasionar danos no pavimento.

SEXTA- Xurado

O xurado estará formado por 3 persoas, propostas pola Concellería de Cultura, Deportes e Educación e como secretaria a Técnica en Animación Sociocultural, con voz é sen voto, que certificará o cumprimento das bases.

O xurado estará constituído por persoas de diferentes ámbitos sociais, educativos, culturais e representantes de comunicación.

O xurado á hora de valorar, terá en conta os seguintes criterios por modalidade :

MODALIDADE INDIVIDUAL

- Confección dos traxes e complexidade. (de 1 a 5 puntos). Os disfraces mercados serán penalizados.
- Orixinalidade e creatividade dos disfraces. (de 1 a 5 puntos).
- Maquillaxe (de 1 a 3 puntos).

MODALIDADE COMPARSAS

- Confección dos traxes e complexidade das carrozas.(de 1 a 5 puntos). Os disfraces mercados serán penalizados.
- Orixinalidade e creatividade dos disface, carrozas.(de 1 a 5 puntos).
- Número de participantes e a súa composición interxeracional. (de 1 a 5 puntos).
- Maquillaxe (de 1 a 3 puntos).
- Posta en escena: (de 1 a 2 puntos).Aquelas actuacións que excedan dos 3 minutos, serán penalizadas.

Daranse por nulos, os concursantes que repitan disfraces de anos anteriores.

O Xurado poderá conceder algún accésit ou declarar deserto algún dos premios.

O fallo do xurado será inapelable, unha vez rematada a deliberación do xurado, farase público o resultado no acto de entrega de premios, no Pavillón Municipal de Baamonde.



SÉPTIMA.- Premios

Para este concurso establécense os seguintes premios:

	INDIVIDUAL	COMPARSAS
1º PREMIO	100€	500€
2º PREMIO	80 €	300€
3º PREMIO	60 €	200€
4º PREMIO	50 €	100€
5º PREMIO	40€	80€

Os premios especiais para as comparsas e disfraces pertencentes ó Concello de Begonte sempre que non coincidan premiadas no concurso xeral son os seguintes:

	PREMIOS ESPECIAS CONCELLO DE BEGONTE	
	INDIVIDUAL	COMPARSAS
1º PREMIO	100€	200€
2º PREMIO	55 €	110€
3º PREMIO	50 €	100€

Os aboamentos dos premios serán tramitados polo Concello de Begonte a través dunha transferencia bancaria.

Os participantes que resulten gañadores recollerán nese intre un vale do premio.

Para poder realizar a transferencia do premio o solicitante, representante legal do menor / da comparsa (agrupación non formal) ou a asociación deberá presentar , antes do 20 de marzo, no rexistro das oficinas do Concello ou pola sede electrónica (Instancia Xeral) a seguinte documentación:

MODALIDADE INDIVIDUAL: copia do DNI e certificación do número de conta.

MODALIDADE COMPARSAS:

- Agrupacións non formais : copia do DNI e certificación do número da conta de tódolos participantes.
- Asociación: copia do CIF da entidade e certificación do número da conta.



Os premios outorgaranse a cargo da aplicación presupuestaria 334.480 do Presuposto Municipal do exercicio 2019.

A resolución de concesión dos premios realizarase mediante Decreto de Alcaldía.

Os premios estarán suxeitos á retención do IRPF de acordo coa lexislación vixente.

OITAVA- Autorización do dereito de uso da imaxe e datos

En cumprimento ó disposto pola Lei orgánica 03/2018 de protección de datos de carácter persoal , o Concello de Begonte informa de que os datos persoais que se solicitan nestas bases serán incorporados a un ficheiro, do que é responsable o Concello de Begonte, coa única finalidade de levar a cabo as actuacións administrativas que, de ser o caso, se deriven da súa solicitude ou para realizar comunicacións do seu interese para os efectos informativos.

Tódolos participantes polo feito de inscribirse, autorizan ó Concello de Begonte a realizar e utilizar as fotografías e vídeos tomados no transcurso do Concurso e facer uso de ditas imaxes de xeito respetuoso e responsable nas súas respectivas tarefas de información e difusión.

Se o desexa, pode acceder ós datos facilitados, así como solicitar, se é o caso, a rectificación, oposición ou cancelación, nos termos establecidos na lei indicada, comunicándollo a este Concello.

NOVENA.- Aceptación das bases

Os participantes, polo mero feito de participar no concurso, aceptan as presentes bases.



CONCELLO DE BEGONTE

Praza Irmáns Souto Montenegro nº1
27373 Begonte
Tfno. 982 396 143 /Fax: 982 396 027
Email: info@concellodebegonte.es

ANEXO I INSCRICIÓN CONCURSO DE DISFRACES E COMPARSAS				Nº REX:
DATOS DO SOLICITANTE OU REPRESENTANTE LEGAL DO MENOR OU DA COMPARSA (agrupación non formal)				
Apelidos		Nome		DNI
Enderezo				Concello
Provincia	Código postal	Móbil	Correo electrónico	
DATOS DA ASOCIACIÓN				
Nome da entidade				CIF
Enderezo				Concello
Nome e apelidos do representante				DNI
Cargo do representante				Correo electrónico
INDIQUE A MODALIDADE NA QUE SOLICITA INSCRIBIRSE				
☐ INDIVIDUAL (1 ou 2 participantes)				
NOME DO DISFRACE:				
Nº NENOS 1 ☐ 2 ☐ Nº ADULTOS 1 ☐ 2 ☐				
☐ COMPARSAS (5 ou máis participantes)				
NOME DA COMPARSA:.....				
Nº DE PARTICIPANTES ADULTOS: Nº DE PARTICIPANTES NENOS:				
ADXUNTO ARQUIVO DE MÚSICA EN MP3 ☐ SI ☐ NO				
LEVO ESTRUTURAS RÍXIDAS ☐ NO				
☐ SI INDIQUE: ALTURA M e ANCHO.....M				
A PERSOA SOLICITANTE OU REPRESENTANTE COA SINATURA DESTA SOLICITUDE				
1. Declara que lin e acepto as bases do Concurso de disfraces e comparsas 2019. 2. Autorizo a participar ó/s menor/es no concurso do Entroido do Concello de Begonte 2019 . 3. Declara a veracidade dos datos que figuran neste anexo e autoriza ó Concello de Begonte a solicitar ou verificar os datos que estime oportunos en relación á solicitude presentada. 4. Autorizo ó Concello de Begonte a realizar notificacións do Concurso de Entroido a través de SMS e do e-mail. 5. Autorizo, a utilizar as fotografías e vídeos tomados no transcurso da participación do Entroido e facer uso de ditas imaxes de xeito respectuoso e responsable.				
Begonte a de de 2019.				
Sinatura do solicitante				

En cumprimento do disposto pola Lei orgánica 03/2018 de protección de datos de carácter persoal, o Concello de Begonte informa de que os datos persoais obtidos deste documento serán incorporados a un ficheiro, do que é responsable o Concello de Begonte, coa única finalidade de levar a cabo as actuacións administrativas que, de ser o caso, se deriven da súa solicitude ou para realizar comunicacións do seu interese para os efectos informativos. Se o desexa, pode acceder aos datos facilitados, así como solicitar, se é o caso, a rectificación, oposición ou cancelación, nos termos establecidos na lei indicada, comunicándollo a este Concello